

武寧縣志卷之十

雜說

尚義坊說

洪世傳

海陽人
教諭

義之云何凡所以濟人利物者皆是也縣西有山七里古未有路至宋玉山尉李公始鑿路此山之上以便民後以險峻民艱於行弘治庚申盛璟盛璽樂捨已貲鑿於山麓峻則削之險則平之缺則補之其與李公之功一也濟人利物之心何如哉同寅錢塘沈君樂道人善獨揭尚義二字以名其坊用以旌其功武寧縣志

卷之十

於不忘耳於戲坊因人而得名人因坊而名著若盛氏者尚義人歟尚義人也因書以為說云

羅進士坊說

沈秀

予官於茲五年矣累聞羅先生登洪武乙丑進士然錄誌散亡未敢輕舉及乃賢孫上舍通回自金陵出示謁選銓曹脚色方知其的然無疑遂捐俸揭扁於南門之上用以昭芳名於不泯且啓後人景仰興起之意云耳贊襄厥事者同寅海陽洪君大受歸桂梁君元吉也時弘治十五年五月二十日又八日儒學

訓導錢塘沈秀謹識

瓜圃遺蹟考

周希令

寧州人
太憲

瓜圃即瓜源長春武寧八景之一也漢東吳有祖塚其上今尚稱吳王峯云宋江氏盛於茲地三宅可據書臺有跡世以江狀元誦之均塋朱城源時僉曰狀元山云即江君諱萬里其人居宅在東源江橋今呂姓尺隣也萬曆三十有四載鳴鳳山僧募緣成果開通徑以便往來至古洞下數丈許得石版鏤文其上并曰皇帝龍飛咸淳改紀後三年有江成政江淑恭

武寧縣志

卷之十

二

等助楮用修此道而咸淳固宋度宗紀年也其絕嶺為道避水峻路連雲壁石亦題有江十六郎數字由兩者觀之則宋江氏盛於茲地良不虛也夫自漢迄宋迄明上下千百載而山川降靈犁然古蹟為容令其徒為田間口實哉余經是里值重修邑志載錄之以俟吊古者

續瓜圃說

汪克淑

廩庠

長樂鄉瓜源象山嶽嶧諸水滌洄豫寧勝處也山有二峯一曰吳王峯為東吳孫權祖墓一曰狀元峯為

江萬里墓縣志載孫鍾瓜圃明太常卿周公考令
所著瓜圃遺跡考特詳無可疑也一日讀廣輿記宋
公都昌人余惑焉孫鍾種瓜事見杭州富春余益惑
焉深惟父老所傳聞與先達諸紀載何多謬也丙午
秋以省試旋停舟三硯不憚跋涉偕友尋源陟其巔
得吳王墓壙形如鏡色不生茅草高廣約數十步歷
江公墓讀書臺鄉人爲我一一指點無毫髮之爽於
是余與友徘徊顧盼且驚且駭殆不勝今昔禾黍之
感矣嗟夫孫氏奄有東吳杭其所都也卽所都以傳
武寧縣志

卷之十

三

焉宜也江公時爲賈似道忌賢者避地古今嘗然又
奚疑於都昌乎然則古人出處係人競慕有如此者
余再爲之說俾閱者有所徵云

楊林迎愛說

余學優 邑序

楊林在縣治迎恩門外舊有洲無林萬層戊申周公
道昌令是邑見縣虛左宜補令五十四里植樹數萬
株東門汪姓獻秋地數十畝以益之地廣而我植日
益盛於是設看守夫一名嚴禁官民採摘迄今遂成
茂林蔭護縣城遠眺間有菁蔥蔚起之色

美政光亦見其一班矣古人因甘棠而思召伯
人寧不因是林而思周公歟林多楊樹故名楊林
謬著為說以不朽其遺愛云

鄉

汪克淑

舊志載武寧二十鄉唐貞元十五年觀察使李巽
割西界八鄉置分寧縣武隸十二鄉今只九鄉其二
鄉里社分屬未詳也姑俟後之考古者

集歷朝脩志序跋文移

縣志序

張元積

南昌人
編修

武寧縣志

卷之十

武寧吾南屬邑也今馮大尹丕振以聖明之化文物
遂蔚然可觀焉此邑志之修其一也或持以示吾曰
邑壯陋有定乎吾曰無風俗淑慝有定乎吾曰無山
川形勝有定乎吾曰無物產登耗有定乎吾曰無人
材隆替有定乎吾曰無天下一邑之推觀天下一邑
可知也萬世一世之推觀萬世一世可知也君而唐
虞則天下為唐虞君而秦隋則天下為秦隋湯武興
墨墨者易而勃勃桀紂興熙熙者易而悶悶漢文寧
坑焚之遺而烟火萬里唐明耗仁義之殖而鷄犬一

如是一知山川如是人物如是風俗如是物產如是
戶口如是貢賦如是疆域如是古蹟如是則於是邑
也必不至於例薄之而聞風興起者亦將不少矣馮
公引重之意其庶幾乎或副哉雖然昔人有作海賦
而不道塩者廉竊思夫鹵莽而不止於不道塩也後
之君子其是正焉馮公名琦起自賢科其治縣存風
教於法律之中寄精密於簿書之外而人才之洗濯
又欲鄒魯武寧者即此一舉而其用心亦可見矣志
凡八卷卷首弁之以圖其小小例義覽者當自得之

武寧縣志

卷之十

縣志序

馮琦 鄒魯人

琦初授職武寧訪之風土咸謂邑處僻壤及至是考
之圖志似大有可觀者圖志出未樂聞鄒縣丞所草
劄未及板行多謬脫時欲少致其力奈廢於位德未
幾僉憲莊公觀察至首問縣志繼而憲副過公王公
又繼而方伯侯公甸宣至皆注意茲事又繼而憲副
馮公提學至復孳孳詢及仍命諸生騰上舊草意欲
鑿行郡公之於武寧欲其文獻之備固如是夫竊擬

續序之責也於其

羣羽翼具書幣走豐城聘楊解元方正刪削而增修
之經涉三月獲覩會書其提綱挈領固前日之所未
有而廣搜博考又前日之所未備於一邑之圖志可
謂集大成者矣於序是書之成不惟可以答當道者
惓惓之意而琦且得而覽之其亦知武寧之果大有
可觀矣至於是邑之事琦又得以考古而証今而於
吏治不愈有所資乎若夫耻其不逮前人而自奮如
前人則在於武寧之後人時成化丙午歲端陽後二
日

武寧縣志

卷之十

七

縣志後序

殷

縉

邑人補東
海北提舉

周禮春官小史掌邦國之志夏官職方氏掌天下之
圖而圖志之作其來尚矣今天下郡縣即古諸侯子
男之國若志與圖可缺乎哉武寧為邑實肇於唐而
圖志之不完自元季兵變以來則然矣邑侯馮公值
政之暇留心縣志出其在官草本聘豐城楊解元方
正刪修之復命縉以獻其一得之愚縉自太父嘗於
武寧而縉生焉大父率於官而因家焉固為武寧之
人矣為武寧之人則於武寧之事凡有關於志者宜

與知其一二但以寡陋鄙鈍多不能詳而得之耳
目者亦不敢不一盡之至於衆言而斷以獨見則在
於解元公焉書成繙樂吾侯之志有成而百餘年之
缺典以備故序其畧於後至於解元公之去取不苟
考究惟精條分縷析各有意義據繙所見豈獨武寧
以前未之有哉

縣志序

補修

沈

秀

錢塘人
訓導

武寧縣志一帙自大尹馮公刪定之後迄今十有九
年矣其間作縣君子自怠者不屑於修自小者不暇

武寧縣志

卷之十

八

於修以故其年之間事多遺忘弘治壬戌秋八月既
望二尹衡山易君榮始來任惟時首令下獄君即領
其事於茲二年政通人和百廢具興可謂良有司矣
其於縣志之修尤加意焉顧乃不敢輕舉祇因其舊
而增其新者何哉誠以一事之動民力民財係焉與
其改作勞民而傷財孰若因舊價廉而工省之爲愈
也昔閔子騫以仍舊貫爲言君之此舉無乃有得其
遺意者歟乃若其心不然而槩以自怠自小者例之
則非予之所敢知也以治十七年甲子閏四月之吉

武寧縣志分且同類也因其之序嘉靖二十二年

卯夏五月朔

續脩縣志序

李士振

晉江人 教諭

武寧舊志肇於成化丙午而重脩於嘉靖癸卯越三十有四祀矣諸凡建置沿革風俗政治名人良吏出處之詳與夫幽貞之士孤嫠之懿沉伏於山谷廬井者失今不志後世無徵焉隆慶壬申西蜀胡公來蒞茲邑視篆之初首敦風化崇禮教平賦稅抑豪強而民蒙其福其於興賢育才典章文物尤注意焉不踰武寧縣志

卷之十

年政治民安百度脩舉迄今四載教化大行民德歸厚治無遺事矣獨以志為缺典請於上聘鄉縣簿吳君祐教授盛君廷贊舉人方君繼懋屬士振與司訓伍君益達生員潘大謀吳宗周張機潘策共事其事庸是因舊志重加脩葺旁搜博訪釐綴成編備書時事務在其文直其事核有以愜輿情而取乎於千百世者如所書輿地則邦域定而慎固之道著書官政則職守明而保釐之義悉書人物則賢否辨而得失之跡彰他如古蹟流異名賢雜詠莫不謹書而備錄

志事紀往蹟茲存勸戒總六卷爲綱四爲目三十有
六皆沿其舊而公重加校正焉因命梓行以藏永久
刻既成振弗克讓序諸首迺颺言曰偉哉備作者之
意乎子曰我欲載之空言不如見諸行事之深切著
明也諸志所記公皆身行其事庸可爲法守致治安
後之覽斯志者事求可師行求可法毋辨言以亂厥
成毋頽僻以改厥度治者則以自治嗣者尊以自顯
人材日興風俗日厚則斯志也不爲空言而公之意
庶無負矣公名東陽字升之別號寧江四川建昌衛

武寧縣志

卷之十

十一

人時萬曆四年丙子歲夏六月吉

續縣志序

後

盛廷贊

邑人教

夫志何爲者哉蓋志者識也所以識往事也紀事以
明有政識往所以開來治都邑者莫此爲先焉昔蕭
何入秦關而首收圖籍紫陽知南康而始詢圖志君
子咸謂其知悉務也觀於是而志之所係重矣蓋廣
谷大川異地剛柔風氣異齊民生其間異習夫司土
者秉慶宣風宏規樹業必省方觀民而後可也匪志
曷從稽哉邑無分野則於天而無以觀象邑無疆域

於境而無以立業於山川城郭而不知形勝
守固無備也於風俗民性而不知習尚辨志宜民極
稽也戶口田賦所以供貢輸力公署學校所以撫教
達治官師民之司命鄉哲民之典刑不知其人可乎
五穀民之粒食土產邑之方物不可不知其數也忠
孝節義所以勸化仙釋災祥所以紀異是志皆極類
彙收而一無滲漏君子不下堂而合百里於一目者
以是耳吾寧地鄰湖楚隸於南昌故郡舊非無志學
自嘉靖癸卯唐侯屬學諭徐公與鄉之司訓潘君槐

武寧縣志

卷之十

十二

纂有舊刻迺遷以至今日蓋三十有四年此隆慶壬
申幸我父母胡侯來宰吾寧以藝達果斷之材劇如
刃解六案無壅百廢具興逾三年而秩滿報政邑治
斤斤就理傷寧志之弗備於事若無統紀謂賦以條
編而更兵以簡勇而變憲度新科久則或弊官業雜
悉民產沿革殊於先後豪猾睥睨久則或移他如歷
律人物貢舉節義事以時遺亦缺典也文獻不足將
求之人官者亦何所稽哉乃禮聘諸文士以及匡人

志之入官者亦何所稽哉乃禮聘諸文士以及匡人

後之稱禪察賴仗學諭李公之公裁警校賴司諒在
公之明諭集事收載會吾濟二三之見聞蕪者剔新
者增缺者補畧者詳而一時公筆事核文直不敢自
便於史法當必有以肅人貞紀便事定規於胡侯淑
寧之意以成乃可爲去後不朽之業也噫訐謨遠猷
厥維重哉秩成例得序後因屬予言以識歲月云

縣志跋

高 焜 浙江臨安人知縣

德明甫退然齋居所爲武寧志若輿地若官政若人
物雜志井井如備矣迨其志風俗也曰好訟不情曰

武寧縣志

卷之十

十三

凌弱鮮親曰厚養生曰薄送死曰重尚鬼忍溺亥未
嘗不廢書而嘆也曰嗟乎奚有於是哉概其事不雅
馴俗既敕矣獨好訟云云則敕之敕也近見若等苟
懷此忿輒負意氣而博相高自扞文罔恬不爲憚余
不忍以秦越視吾民乃愍然憂焉夫風俗所關不小
而令長吏最爲親民風教從此始不可諉也第自郡
守公而二訖御史中丞大夫級有差皆得而臨制之
例不獲妄自用且往往薄視其下而未必諒以心藉
令稍欲振起其誰與我此縉紳先生談時事一曰

武民而出之角 中信猶橫江河而行之山也則
余愛日以深居常念古賢豪舉天下而轉移之莫能
測是遵何術哉運用之際有微權在耳顧漢風邈矣
亡論渤海之異等即武寧之以名宦稱者自唐歷我
朝令者六贊者一皆爲足法夫楊君方贊也彼其時
推明紫陽之學由之政通訟息要非眎篆者流而其
所爲足多若此可謂與聞其權者乎而武民豈終不
可化也哉嗟嗟余理非其人安得作數君子而與之
抵掌一談治也余生也拙涖政也不期月又以入覲
武寧縣志

卷之十

十四

行諸無所厝注首以志其憂云

續脩縣志序

林文升

南直太平人 都事

夫天下有史郡邑有志志者史之流也其闡揚足以
興起人心而備載故實又爲觀風問俗者藉考信焉
是烏可任其廢而弗修修而弗版策之以垂永久也
哉武寧志修於萬曆之初年迄今固時移而事易也
文獻日增而掌記未登也邑侯周君虞其久之漸湮
後無所徵乃進邑之弟子員選復訂證彙輯詮次凡
若干卷帙成未幾君以遷秩去升不佞奉命代處

之則見君之用心也勤而慨其雅志未就自
學錄無所建明於茲土其為君卒此業乎周顧
出微祿劓劓之刻成爲之紀歲月以告來者蓋
克襄盛美於周君之志無憾焉耳若曰因而攘
善因而殿功則升茲懼矣萬曆三十八年歲庚戌仲夏月
書旦

脩縣志序

張茂楫

桂林人知縣

歲庚戌之夏栢從山東來任武寧時縣志甫成問之
則前令同鄉周公藩司太平林公後先借諸譽髦加
武寧縣志

卷之十

十五

意修輯以垂不朽者也公餘披閱之竊喜謂與地之
廣狹山川之險夷貢賦之高下人物之孳蕃風俗之
淳澆靡不燦然明備後人得有所考証以從事茲土
厥功偉哉夫令之難難於實心任事實心爲民耳言
有魯中牟三異王允規十奇洵爲循良第一其他况
虎起嶺嶺嶺示清反風降雨拔茶種柿瑞蓮嘉禾之
應白雀青鹿之祥莫不彪炳當時輝映來禩然亦有
無實心而有實効者栢碌碌無他長獨念寧民最
實心而有實効者栢碌碌無他長獨念寧民最

志釋脫往事是志成其間利害與否
可歸其也覆轍宜誠較若列眉導而行之
無矢墜則所藉於兩公者夥矣蓋兩公胸無城府
開心推誠可以人之一得補我之千慮亦可以我之
無不足用人之有餘以故數十年缺而非修者一息
仔肩以成無窮之業栢實有厚幸焉媿非良史才也
無能潤色損益以襄重典姑宣言張大之周謝諸君
子之末

脩縣志序

劉三策

武寧縣志

卷之十

夫天高地下廣谷大川異地剛柔風氣異齊民生其
間異習無以識之則散無統紀故自天下而省而郡
而邑皆有志以紀其事則武寧有志所從來矣然歲
月之遷建置有沿革風會有波流名公良吏有相繼
與夫貞士之特操淑媛之完懿事緣時異代不受人
言膠故以掩新則葺而增之守土者責也計此志
自隆慶壬申胡君脩葺以後幾四十年來其中雖嘗
異轍與廢殊遺簡陋相仍則故之不可不新也先是

六書同俗位地土非其缺憾未嘗既有重新意業

博文士陳生一舉陳生龍黃生時習葉集之幾乾
何有朝京之行遂不克竟幸有落司金陵林君掌
土也行勵清修政崇節愛振剔霜嚴城社喚咻露
同闈則一方風教煥然新之不數月而堦靜禽聲
多雅化矣至於興賢育才典章文物猶首注心焉親
政未幾卽承周君未就之志不憚捐已貲以佐其成
方且蕪者芟缺者補方且畧者詳陋者飾四十年之
文物乃復大備則孰非林君之大有造於斯邑哉頃
梓人將告成功余屬邑之貳寧無言以襄重典乎蓋

武寧縣志

卷之十

舊志而新之名宦之異政班班可考鄉賢之碩德卓
卓可師錄孝行以植天常采貞烈以肅閭閻諸凡戶
戶之增田賦之益災祥之紀咸正而無缺則不下堂
而合百里於指掌間者此志基之也餘竊爲之說曰
續編斯志非周君無以開其始非林君無以成其終
然必終之善而始之美不虛也後之頌不朽之烈者
志尤首稱哉詩美衛文公以塞淵之心預琴瑟之備
卽此意也所謂訂謨遠猷林君有之其德取之與揚

休云萬曆三十八年

重修縣志序

熊明遇

維時與諸縉紳先生講明性學於澹臺祠而是處則
公適懋譚徐及文章吏治不必而念故內聖外三
新盡性之實而聆者唯唯奉教又有以過化存神志
道成章問果合否是庵公曰此政子與氏嘿語性命
文章吏治之肯夫豈二哉時豫寧庠生余學優等俱
深領識之翼日與沐叩予請曰昨主復性學之詮此
鵠的也然敝邑得圖雲寇公五稔琴鶴自適政簡刑
清士民顧化兩臺優薦銓曹以聞勅命寵頒邑自分

武寧縣志

卷之十

十八

宰以來未有若此之賢仁忠愛者也今卧治之餘間
閱邑志殘廢亟欲補緝以完董狐之絕諸弟子再拜
敢請一言以弁其首予弗獲辭曰古者巍乎有成功
煥乎有文章此非文章吏治之準哉今圖雲公德政
如斯忠愛如斯是補天浴日大有造於寧邑行將大
有造於天下非尋常尺度所可倫也乃其輯補邑乘
以垂不朽爾士民當協力錄實以傳其盛美其間建
置四賦更張風土變移賢豪縉紳出沒儒翰升遷幽
滯不備者應採而梓之以俟來者而皇風之翔洽人

物之安阜川嶽星野之瑞應年穀之豐歉周悉靡遺
併後之君子以文章飭吏治者可望冠公之後塵而
興起也而寧之受賜於志也益不朽矣崇禎七年
戊三月序

重修縣志序

陳璉 南海教諭

嘗聞古今之史與一國之志無二義也馬遷以一人
馳騁乎千載之上又當秦火焚滅之後故紀傳志表
間有不符讀子由史犁然適愜於心然惡得是邑
乘如子由之明足軼子長之踈脫也豫寧自脩江

武寧縣志

卷之十

十九

而東鬱爲柳峯磅礴之秀丹崖翠壁綠水紅泉
神麗之輿區華腴之雋地夫何邑乘遭燬版圖多
蕪嶼致多畦漏文獻大有遺亡識者恨焉會邑侯
圖雲公總總於茲令庠生余學優以補修一帙問予
序受而讀之大都節俠高亮穎達貞敏之輩濟濟
入而古跡名山風土好尚葺所未載倚歟休哉補者
之意甚盛美矣予因誦子由之言曰聖人以無爲爲
宗後世稱之而復詆其無爲之語不知人之不自力
善皆有之爲累冠翁無爲而治捐智故而害去亦

采而盜息以政之恬成志之潔補修良不偶也
豫寧地僻民淳差繁賦重有如水澆之則濁澄之
則清有如木搖之則圮植之則茂寇翁知其然因人
性而利導之卧轍而民自化譬之漢承乎秦休息迄
乎文景敎習漸移民生日厚我明昌熾運會熙隆無
爲而有爲炳朗日星庶幾哉志勒公平史垂千古司
馬之英華蘇公之血脉寧有隔焉偶閱筆洞生天壤
遺文而得白玉蟾湧翠亭記亭去柳渾精舍不遠是
用並紀後有作者將視爲續貂耶綴旒耶竊謂其續
武寧縣志

卷之十

二十

而非綴也翩翩俊髦次第鵲起簪笏之徒科名之顯
當不踰時而盈帙矣予且拭目望之時崇禎甲戌仲
夏之吉

文移

南昌府武寧縣爲重修郡乘事萬曆三十六年三月
二十九日奉本府帖文照得本府志書自萬曆十五
年前守范公纂集已成鏤版貯庫先者不戒於火恐
後之遺文獻者遂湮滅而無徵且前志之作逾二十
年其間建置田賦之更張風土人事之變換賢哲仕

然之... 儒林文苑之誤吟忘所... 不其者... 無什中之一二... 今當覆刷以示... 廵加林... 惟是本府孤陋... 甚聞藉手賢令... 長... 為紳先生... 費校師儒... 協心贊佐... 是望... 擬合行查... 仰縣即便會同... 該縣儒學... 教官查將... 發去格式... 照... 頒布各坊里約... 保耆宿人等... 但有奇見... 異聞... 裨於... 載者如世家... 譜牒名臣... 碑傳... 窮閭一行一節... 而... 者所不知... 靈蹟或闕或開... 而考古者所不錄... 至於潛天論... 就而竹素... 未傳... 先達手抄... 而汗青無日... 自... 全書

武寧縣志

卷之十

二十一

以及斷簡自經史以及歌謠廣詢博取彙集到縣該掌印官隨使分委... 摘出事有可採言非無微者開具緣由或特報或類報或不一報限四月末旬完備到府仍候覆行查取并委刪潤其有已載郡邑志而謫誤失差斷乎於舊志年月日止應為續成者俱要考正增補勿致遺漏本府借我賢令長共勉圖之慎妥

忽

卷之十

按邑志始脩於成化丙午縣侯馮琦邑人提學於
補於弘治十七縣丞易榮教諭陳通訓導沈秀再脩
於嘉靖癸卯縣侯唐牧教諭徐麟邑人訓導潘槐主
簿陳璫進士潘儵又脩於萬曆丙子縣侯胡東陽邑
人教授盛廷贊訓導張機吳宗周潘策生員潘大謀
至萬曆戊申縣侯周道昌生員陳一泰陳龍黃時習
盛宗齡續補之周以覲去未及梓庚戌署篆布政司
都事林文升刊就崇禎七年甲戌縣侯寇可教生員

武寧縣志

卷之十

二十二

余學優吳道行陳文輝又從而補輯焉乙酉罹闖寇
志版火順治辛丑縣侯馮其世下車問武志得一帙
字彙殘缺康熙伍年丙午春侯捐俸壹百貳拾兩爲
鑄費命生員汪克淑盛彌顓盛士浩杜棟逸叟張金
學彙彙校正付梓計十卷四百葉一十五萬字纂集
凡五越月鐫刊凡壹載大都事倍於昔故文增於舊
獨媿識閣全牛才慚半豹無能效辭一贊謬膺重寄
借妄任替罪誠有之如謂信任耳目卮詞影說逞臆
憑胸臆公徇私匪爲文獻徵且貽作者羞此又義之

而併畧其過此志續美

武寧縣志十卷終
五月十六日 官員 盛士洁 謹識

武寧縣志十卷終

武寧縣志

卷之十

二七

